



გორის დარჩია

ვაშა-ფშაველას ფინააღმდეგ ბრძოლა და იოსებ სტალიცი

ამ თემაზე ნოდარ ალანიაზე სტატიის წერამ მიმიყვანა.

2009 წელს უურნალ „ქართულ მწერლობაში“ დავბეჭდე მოზრდილი წერილი „ნოდარ ალანიას გახსენება“ (ნოემბერ-დეკემბერი, № 6), რომელიც შემდეგ გადავბეჭდე ჩემს წიგნში¹. მასში საკმაოდ ვრცლად მიმოვინილავ მის ცხოვრებასა და მოღვაწეობას. როცა ჩემს ამ შესანიშნავ მეგობარზე, უტყუარ კაცსა და მოქალაქეზე ვსაუბრობ, გვერდს ვერ ავუვლი ერთ ცნობას, რომელიც ბეჭდურადაა გამოთქმული: თითქოს ნოდარი ამბობდა, რომ დიდმა ვაჟამ გაზეთ „ივერიაში“ ილიას წინააღმდეგ ამხედრებული სოსო ჯუღაშვილი კარგა მაგრად გალახა და კიბეზე დააგორაო.

აქედან გამოპყავთ დასკვნა, რომ ვაჟა-ფშაველას წინააღმდეგ 1951-1952 წლებში ჩვენი რესპუბლიკის მეთაურ კანდიდ ჩარკვიანის თაოსნობით ჩატარებული ამაზრზენი კამპანია სათავეს იოსებ სტალინისაგან იღებდა, მისგან მოდიოდა. ამის მიზეზი თითქოს ის პირადი წყენა იყო, რაც „ივერიაში“ მას მწერალმა მიაყენა: ბელადმა ვაჟას ეს შეურაცხყოფა არ დაუვიწყა და სამაგიერო ამით გადაუხადაო.

ამის სარწმუნო წყაროს ვერვინ ასახელებს, ზეპირად და წერილობითაც კი ზოგიერთი დაბეჯითებით იმეორებს.

ვაჟა-ფშაველას შემოქმედების მკვლევარი თამაზ ჩხენკელი აღნიშნავს: „სტალინის ინიციატივით და დავალებით უარყოფილი იყოვა აუსასებელი მემორიალის მშენებელება საქართველოში და ეს სახელმწიფო ინიციატივი დონისძიების დონეზე იქნა ჩატარებული. ამბობენ, თითქოს ვაჟას შემოულახა ახალგაზრდა სოციალ-დემოკრატი ჯუღაშვილი. არ არის გამორიცხული! ვაჟას წილით დაუგორებია გაზეთ

¹ ფილოლოგიური ძებანი, I, თბ., 2013, გვ. 446-469.

«დოროების» კიბეზე პეტერბურვიდან ჩამოპრასანებული ვინმე აშინოვი (...). და ახალგაზრდა ჯუდაშვილის გალაზვა არ გაუჭირდებოდა. მაინც რატომ არ უყვარდა ოუსთაველის ერთი სტროფის რუსულად მთარგმნელს, ილიასა და აკაკის «დამფასებელ» სტალინს ვაჟას პოეზია? იმიტომ ხომ არა, რომ აღიზიანებდა ვაჟას ღრმა მითოსი, მისი უნივერსალური მსოფლმხედველობა და პირწმინდად ქართული მსოფლშეგრძნება, რაკი თვითონ ქმნიდა თავის უბადრუკ, კომუნისტურ ფსევდომითოსს და ლოკალურ ფსევდოფილოსოფიურ მატერიალიზმს?»²

ვაჟა-ფშაველას ცხოვრების მკვლევარი გიგი ხორნაული აღნიშნული კამპანიის თაობაზე წერს: „ვაჟა-ფშაველას მიმართ დაუნდობელი ბოლმა არ ამოდიოდა ბოლშევიკები(ს), იგივე სოციალ-დემოკრატების გულიდან, რაკიდა ის თავის დროზე ეწინააღმდეგებოდა მათ კოსმოპოლიტიზმს, რაკიდა ილია ჭავჭავაძის ეროვნულ პოზიციაზე იდგა სიკვდილამდე. როგორც მისი ძმები და სხვა ახლობელნი მაშინ უცილობლად ამტკიცებდნენ, ამიტომ მოაკვლევინეს გამოსაწერად გამშაღებული ვაჟა ექიმებს. მეორე შვილი დაუხვრიტეს, ძმა მოუკლეს.

ამასგარდა, სტალინს ვაჟას მიმართ პირ ად ული წყენაც ჰქონდა გულში. ეს ამბავი ჩაწერილი, დაბეჭდილი მე პირადად არ საად შემხვედრია, ზეპირად კი ხშირად მომისმენია, თვით ზვიად გამსახურდიასავან, რომელმაც პირველ გამოცემასთან დაკავშირებით გამოიქმულ შენიშვნასთან ერთად ამაზეც მითხრა, მეორე გამოცემაში აუცილებლად შეიტანეთ. მეორე გამოცემაში უკვე ჩემდაუნებურად გამომრჩა. ახლა საოცრად განათლებულმა მკურნალმა ხუტა ჰაჭერიამ დამაძალა – აუცილებლად შეიტანეთ. ეს ეპიზოდი კი ასეთია:

საყოველთაოდ ცნობილია, რომ «ივერიაში» იოსებ (სოსო) ჯუდაშვილს გამოუქვეყნა პირველი ლექსები სოსელოს ფსევდონიმით. ამ ლექსებმა, რომელთა შორის იყო «ეარდს გაეფურჩქნა კოკორი», საერთო მოწონება დაიმსახურა. ეტყოდა ილია, რა თქმა უნდა, ასეთი ლექსები კიდევაც მოვიტანეთ. სოსომ კი კომუნისტური იდეოლოგიით გადამლაშებული ლექსები მიუტანა. ილიამ უარი უთხრა მათ დაბეჭდვაზე. სოსო დაემუქრა «ჩამორჩენილ ნაციონალისტს», ხვალ მოვალდა ავაუტექებო. არ გაუჭირდებოდა, რაღვან მოწინააღმდეგებს, მით უმეტეს თავადებს, როგორც კლასობრივ მტრებს, დაუნდობლად

² თამაზ ჩ ხ ნ კ ე ლ ი, ტრაგიკული ნიღბები, თბ., 2009, გვ. 291-292. ხაზგასმა აქ და ქვე-მოთ, ფველგან, ჩემია – ბ. დ.

უსწორდებოდნენ პროლეტარიატის დიქტატურისათვის მებრძოლნი.

მეორედღეს, სანამ ეს მე ზნებარე რევოლუციონერი გამოჩნდებოდა, «ივერიის» რედაქციაში ვაჟა-ფშაველა მივიდა. ილიამ ცოტა ხნის საუბრის შემდეგ შესჩივლა:

— ეს რა ახალგაზრდობა მოდის, ვინ არიან, ეს კაშუგადავდებული რევოლუციონერი მოკვლით დამემუქრაო.

ვაჟამ დაამშვიდა: მე არ წავალ, მოვიდეს ერთი აქ და მე ვასწავლი ჰქონასო.

მოვიდა ისიც. როგორც კი ილიას უკმეხად მიმართა, ვაჟამ ჯერ ერთი-ორი შემოჰკრა, მერე დაითრია, ჰკრა წი ხლი და კი ბეზე დააგორა.

ისეთი გულბოროტი კაცი, როგორიც სტალინი იყო, იოლად ვერ მოინელებდა ასეთ შეურაცხოფას. (ვაჟა — ბ. დ.) მოკლეს, ერთხანობას დაასამარეს კიდეც მისი შემოქმედება, მისი სახელი საბჭოთა წყობილების დამყარების შემდეგ, მაგრამ არ აკმარეს. დროდადრო კვლავ ცოფი უკლიდათ³.

აქ უნდა შევნიშნოთ: ი. სტალინის ლექსები ადრეც⁴ და ამ ბოლო ხანებში რამდენიმეჯერ თავმოყრილად დაიბეჭდა, ცალკე ბროშურადაც კი. ისინი, მათი თემატიკა სათანადოდ და საგანგებოდაც არის განხილული, მაგრამ მათში სოციალისტური და კომუნისტური არაფერია. პირიქით, პატრიოტიზმით, იმჟამინდელ მამულიშვილთა სიყვარულითა და ღრმა რელიგიურობითაც კია გამსჭვალული. მეორეც, სოსო ჯუღაშვილი იმ კაშნეს, რომელიც მას 1905 წლის რევოლუციის დროინდელ გადაღებულ სურათში უკეთია, ყოველთვის, 90-იან წლებშიაც, განუყრელად დაატარებდა? ანდა კიდევ 1915 წელს სოსო ჯუღაშვილს რა ძალა ჰქონდა ისეთი, რომ „სავადმყოფოდან გამოსაწერად გამზადებული“ ვაჟა ექიმებს მოაკვლევინა?

რევაზ (რეზი) თვარაძე თავის მოგონებებში დაბეჯითებით ამბობს, რომ ი. სტალინი ვაჟას მტრობდა. ამას ასე გვისაბუთებს: „დღესდღეობით მრავალმა არც იცის, ბევრს აღარ ახსოვს, ან არ სურს გაიხსენოს, რა დავღავი იყო ატეხილი მაშინ, სწორედ ცხრაას ორმოცდათერთმეტ-ორმოცდათორმეტ წლებში, ვაჟა-ფშაველას ენასთან დაკავშირებით. ამას დასაბამი, ვვონებ, რომ არ მეშლება თარიღი, ცხრას ორმოცდაათ წელს მიუკა, როდესაც ქართველ

³ გიგი ხორნაული, ცხოვრება ვაჟა-ფშაველასი, მესამე შევსებული გამოცემა, თბ., 2008, გვ. 364-365. სტილი დაცულია.

⁴ ფურ. „მნათობა“, 1937, № 5.

მეცნიერთა ჯგუფი სტალინს ეახლა და ახალგამოსული წიგნი მიართვა - «ქართული ენის განმარტებითი ლექსიკონის» პირველი ტომი. საიმპროკონგრესი ეს დიდი კულტურული მოვლენა იყო.

სუბარი, რაღა თქმა უნდა, ქართული ენის, სახელდობრ, სალიტერატურო ენის საკითხებს შეუხმ. მაშინ უთქვამს ბელადს ამგვარი ფრაზა (ასე გადმომცა ჩემმა ნაცნობძა იქ დამსწრე ერთი პიროვნების ნათქვამად, თითქოს უეჭველ ფაქტად):

- როგორც ცნობილია, ახალ სალიტერატურო ქართულ ენას საფუძველი ჩაუდარეს ილია ჭავჭავაძემ, აკაკი წერეთელმა და იაკობ გოგებაშვილმა.

- და ვაჟა-ფშაველამ, — შეუშეველებია სიტყვა საქართველოს კომპარტიის ცენტრალური კომიტეტის პირველ მდივანს (ანუ კანდიდ ჩარკვიანს — ბ. დ.), რომელიც, ცხადია, მოვალე იყო, ამ შეხვედრას დასწრებოდა.

ამის პასუხად ბელადი წამოდგა, ჩიბუხი გააწყო, გაიარ-გამოიარა და მერე ხაზგასმით თქვა:

- ახალ სალიტერატურო ქართულ ენას საფუძველი ჩაუდარეს ილია ჭავჭავაძემ, აკაკი წერეთელმა და იაკობ გოგებაშვილმა“.

ბატონი რევაზი განმარტავს: „ხომ ცხადია, რასაც ნიშნავდა ეს ყოველივე — წამოდვომა, ჩიბუხის გაწყობა, ბოლოთის დარტყმა და ადრე ნათქვამი ფრაზის სიტყვასიტყვით გამეორება — დიდი ბელადის უკიდურეს გაღიზიანებას. აქედან ერთი ნაბიჯი რჩებოდა აფეთქებამდე, გამღიზიანებლის უმოწყალოდ გასრუსამდე. სწორედ ასე აღიქვა საქართველოს კომპარტიის ცენტრალური კომიტეტის პირველმა მდივანმა მომხდარი და ამ მხრივ მართალიც იყო. სხვა მხრივ არ იყო მართალი, საქართველოში დაბრუნებულმა ვაჟა-ფშაველას მიწასთან გამასწორებელ კამპანიას რომ დაუდვა სათავე. ან იქნებ ასე ვთქვათ — ვითარების მსხვერპლი იყოთ.

აღბათვერასოდეს შევიტყობთ, მართლაგაცოფდათ არა სტალინი ვაჟა-ფშაველას ხსენებისას. შესაძლოა, საქართველოს კომუნისტთა ლიდერის რეპლიკამ დააკარგვინა წონასწორობა, რაკი ფორმულად ჩამოქნილი მისი დებულება ვიღაცამ არასრულად შერსუხა და ისე გაკადნიერდა, ამ დებულების სრულყოფა მოიწადინა თავის ჭკუით. სულ არ იქნებოდა ვასაკვირი, ასე რომ ყოფილიყო საქმე. თუმცა ისიც შესაძლოა, როგორც მერე და მერე ითქმოდა თბილისში, სტალინს ვაჟა-ფშაველას მიმართ პერნდა პირადი ანტიკატია. ეს იმიტომ, მარწმუნებდა აწ განსვენებული ლიტერატორი ნოდარ

აღანია, რომ ახალგაზრდობისას სოსო ჯუღაშვილს რომელიდაც გაზეთის რედაქციაში დიდი უსიამოვნება შეემთხვა გაუა-ფშაველასთან და ამან, გაცეც ხლებულმა, სოსე-ელო კიბეზე დააგორაო. ეს თუ მართალია, სხვა მიზეზის ძებნა აღარც იქნებოდა საჭირო, რადგან, კარგად არის ცნობილი, დიდი ბელადი მიმტევებლობით და ქრისტიანული შემწყნარებლობით არასოდეს გამოირჩეოდა და აღბათ გაჭირდება ამგვარი შემთხვევის გახსენება, როცა ვისიმე წყენა შეერჩინოს და უსასტიკესი სამაგიერო არ მიეზღოს.

ასეა თუ ისე, საქართველოს კომპარტიის ლიდერი დაფუთებული ჩამოქანდა თბილის და ის კამპანია ააგორა, ვაჟა-ფშაველას წინააღმდეგ მიმართული“.

ბოლოს ამთავრებს: „ის სამარცხინო კამპანია დღემოკლე აღმოჩნდა, სხვა რომ არაფერი, სტალინის აღსასრულის ფამი იყო მოახლოებული და ამის შემდეგ ვაჟა-ფშაველას შეჩვენება ამ მოხალისე კრიტიკოსებისთვისაც კი თავისთავად კარგავდა ყოველგვარ აზრს. ეგ არის, ცხრაას ორმოცდათურთმეტ-ორმოცდათორმეტ წლებში ვაჟას წინააღმდეგ შემართული პროფესორები თუ დოცენტები ამას ვერ საზღვრავდნენ, ბელადიც და მის მიერ აწყობილი სისტემაც, საკუთარი პერსონის არ იყოს, სამარადფამო, წარუვალ რაიმედ მიაჩნდათ“.

მოგონების ეს ნაწილი, რომელიც შემდეგ რ. თვარაძის წიგნშიაც გადაიბეჭდა, 2006 წლის გაზაფხულზე გაზეთ „კალმასობაში“ გამოქვეყნდა (№ 3, გვ. 4). თუმცა ამ მქონევართა დასახელება რად გვინდა, როცა ამ საქმეში ი. სტალინს ხელს პირდაპირ თავად კ. ჩარკვიანი აღებს. მოვუსმინოთ მას: „ი. სტალინი, რასაკვირველია, კარგად იცნობდა ვაჟა-ფშაველას პოეზიას. საგულისხმოა, რომ ვაჟას ის ზოგჯერ გვარით იხსენიებდა – «ლუკა რაზიკაშვილის ლექსიო», იტყოდა. ჩანს 90-იან წლებში, როცა სოსო ჯუღაშვილს ქართულ პოეზიასთან უშუალო დამოკიდებულება პქონდა, დიდი პოეტის ფსევდონიმი იმდენად არ იყო დამოუკიდებელი, რომ გვარი მთლიანად შეეცვალა. სტალინი დროდადრო გაიხსენებდა და ზეპირად იტყოდა ვაჟას ლექსს «სიტყვა გადვაგდე ხალხშია», მისი პოემების მონუმენტურობა საც ხშირად ხაზს უსვამდა.“

1950 წლის ოქტომბერში სტალინთან, ციი წყაროზე, ლაპარაკი ჩამოვარდა ქართული ლიტერატურის შესახებ. შევეხეთ ვაჟა-ფშაველასაც, რომლის პოეზიას მე ძალიან მაღალი შეფასება მივეცი. სტალინს თავისი აზრი მაშინ არ გამოუთქვამს, მან მხოლოდ ის

მთხოვა, რომ მისთვის ვაჟა-ფშაველას თხზულებები გამომეგზავნა. სამი დღის შემდეგ ვაჟას ოთხ თუ ხუთტომიანი გამოცემა სტალინის ძაგიდაზე იდო. გავიდა თითქმის თვეებასევარი და 1950 წლის 30 ნოემბერს, გვიან ღამით, ი. სტალინმა ვაგრიძეაბ დამირუკა. შედგა საქმაოდ გრძელი საუბარი ვაჟას პოეზიას და მსოფლიმედველობის შესახებ. დილით ეს საუბარი ჩავიწერე მთელი შესაძლებელი სიზუსტით. ავტებტურობისათვის მოძავს მისი ტექსტი თრივინალის ენაზე.

Товарищ Сталин: Я получил книги Важа-Пшавела, прочитал и на днях пришлю вам обратно. Должен вас разочаровать. Вы говорили, что Важа-Пшавела - гений. Он действительно большой талант, но мировоззрение его очень отсталое. Ни одной большой проблемы он не ставит. Замкнулся в отсталых районах Пшави и хевсуретии и ничего, кроме междоусобных войн и мелких стычек между хевсурами, пшавами и кистами не видит и не описывает. Ни экономического, ни культурного развития Грузии он не замечает. Эти вопросы не пользуются его вниманием.

Язык у Важа-Пшавела провинциальный, старый, непонятный. Характерно, что каждый том его сочинений снабжен толстым словарем. Иначе читатель не поймет его произведений. Акакий Церетели был, конечно, прав, упрекая его в отсталости языка;

«ენას გიწუნებ, ფშაველო,
მეოსანთ მხრალ მთისაო,
თუმც კი გვითესავ მარგალიტს,
გვითხველიც იძას მკისაო!»

Акакий Церетели и Илья Чавчавадзе создавали единый литературный язык, а Важа-Пшавела признает за каждым провинциальным наречием право литературного языка. Для него все равно на каком языке пишутся поэтические произведения. В этом – безнадежная отсталость Важа-Пшавела.

Меня удивляет вступительная статья Геронтия Кикодзе. Марксист он или не марксист? Он не дает правильной оценки идеологии⁵.

კ. ჩარკვიანი ამ საკითხეზე ი. სტალინის საუბარს უფრო ფართოდ გადმოგვცემს 1989 წლის 3 თებერვალს გაზ. „ლიტერატურულ საქართველოში“ დაბეჭდილ წერილში „საჭირო განმარტება“, რომელიც კი-

⁵ კანდიდ ჩარგვანი, განცდილი და ნააზრული, თბ., 2004, „მერანი“, გვ. 510-511.

მი კლიმიაშვილის კრიტიკული წერილის პასუხია. ეს მასალა საჭირო სისრულით გადმოცემულია გიგი ხორნაულის ზემორე დასახელებულ წიგნში, სადაც არის აგრძეთვე ამონაწერები 1951 წლის 10 იანვარს თბილისის საქალაქო პარტიულ კონფერენციაზე კ. ჩარკვიანის მოხსენებიდან, რომელიც კონფერენციაზე სხვა გამომსვლელთა სიტყვებთან ერთად 14 იანვარს გამოქვეყნდა გაზ. „ლიტერატურა და ხელოვნებაში“ და რომელმაც საფუძველი დაუდო ვაჟა-ფშაველას წინააღმდეგ აგორებულ კამპანიას. აქედან დავიმოწმებ ზოგიერთ აღილს, რომლებიც კ. ჩარკვიანის წიგნში არ შესულა:

„ი. სტალინი სიტყვას ბანზე არასოდეს არ აგდებდა, პირდაპირ დავალებასაც ყოველთვის არ იძლეოდა. ასეთი იყო მისი ხასიათის ერთ-ერთი ნიშანი. შემდგარი მსჯელობიდან დასკვნა თვითონ უნდა გამოვეტანა და საჭირო ღონისძიება გავეტარებინა. ხანგრძლივი გამოცდილებით ვიცოდი, რომ, თუ ამას არ გავაკეთებდი, უხერხულ მდგომარეობაში ჩავვარდებოდი. ადრე თუ გვიან სტალინი გვკითხავდა – ამა და ამ საკითხზე რომ ვიღაპარაკეთ, რა ზომები მიიღეთო?“

ვაჟა-ფშაველას შემოქმედებითი მემკვიდრეობის შეფასება აუცილებელი გახდა და, რაღაც ის სტალინისაგან მომდინარეობდა, საბჭოთა საზოგადოების სამსჯავროზე ცენტრალური კომიტეტის მეშვეობით უნდა ყოფილიყო გამოტანილი. ამგვარი კრიტიკის როლში გამოსვლა ჩემთვის სასიამოვნო არ იყო, მაგრამ მოვალეობას თავს ვერ ავარიდებდი.

გაცრიდნ განმეორებითმა ზარმა დამარწმუნა, რომ ჩემი მოსაზრება სწორი იყო. ამჯერად სტალინს საქართველოს ოლქებად დაყოფისათვის მხადების მიმდინარეობა აინტერესებდა. როცა ამ საკითხს მოვრჩით, მან მკითხა:

— რა ქნით, ვაჟა-ფშაველას შეფასებას შეურიცდით?
— საერთოდ კი, ამხანაგო სტალინ, მაგრამ მისი ზოგიერთი მოქადაცი მაინც ძალიან მკაცრად მეჩვენა.

— ხომგახსოვთ სიტყვები, რომლითაც მარქსი «ეოთას პროგრამის» კრიტიკას ამთავრებს? — «მე ვთქვი და ვიცხოვ სული», თქვენ კი, როგორც გინდათ, ისე მოიქცით, — ხმაში შესამჩნევი წყენით დაამთავრა სტალინმა ჩემთან სუბარი ვაჟა-ფშაველას გამო. ამრიგად, მე მეძლეოდა პირდაპირი დავალება ვაჟა-ფშაველას შემოქმედების ზოგიერთი მხარის კრიტიკით გამოვხლიყავი.

1951 წლის იანვარში თბილისის XX საქალაქო პარტიული კონფერენცია უნდა შემდგარიყო. გადავწყვიტე, საანგარიშო მო-

სხენებაში გამომეყოთ თავი «სამეცნიერო და შემოქმედებითი ორგანიზაციების მუშაობის საკითხი» და იქვე ვაჟა-ფშაველას ლიტერატურული მემკვიდრეობის ზოგიერთი საკითხიც გამეშუქებინა. მოხსენებაში სტალინზე მითითება არ შემეძლო, რადგან ამის რწმუნება არ მქონდა. იყო მეორე მოსაზრებაც, რომელიც ასეთ მითითებას გამორიცხავდა. ქართულ საზოგადოებრიობაში ადრიდანვე დამკვიდრებულია უმართებულო აზრი, რომლის მიხედვითაც დიდი მწერლის, დიდი მეცნიერის შემოქმედების ამა თუ იმ მხარის ოდნავი კრიტიკაც კი ლამის მთელი ერთს შეურაცხყოფად განიხილება. და, თუ ეს ასეა, როგორიღა უნდა ყოფილიყო მკითხველის რეაქცია ვაჟას შემოქმედების ამ მართლაცდა უსამართლო შეფასებაზე. მე არ შემეძლო ასეთი «შეურაცხყოფლის» როლში სტალინი გამომეყვანა, თუმცა კარგად ვიცოდი: ამის გამო მის მიმართ საყვედურის ხმამაღლა გამოთქმას ვერავინ გაძედავდა“ (გვ. 363-264).

რატომ არ შევიდა ეს ნაწილი წიგნში? უამისოდ ვაჟას გაკრიტიკებას ახსნა არა აქვს. ძველადაც და ახლაც რამდენი სწავლულია ჩვენში, რომელთაც სალიტერატურო ენის თაობაზე აკაკისა და ვაჟას გალუქსებაში აკაკის მხარე გულწრფელად უჭირავთ! გარდა ამისა, კრიტიკა კრიტიკაა, მაგრამ ის რეპრესიები, თუნდაც მწერალთა კავშირის სხდომათა დარბაზიდან ვაჟას სურათის ჩამოხსნა რითა გამართლებული?

ამ გაუკულმართებულ გაგებასთან დაკავშირებით მაგონდება ჩვენი თანამშრომლის, ძველქართულ-ბერძნული ლიტერატურული ურთიერთობის ნიჭიერი მკვლევარისა და დიდებული პიროვნების, ვახტანგ (გუგული) ბააკაშვილის, ნაამბობი, რომელიც თავისი ძმისაგან მოუსმენია.

მშა, გივი ბააკაშვილი, შესანიშნავი გეოლოგი და ასევე დიდებული პიროვნება ვახლდათ. 1941 წელს უმაღლესი სასწავლებლის დამთავრების შემდეგ იკვლევდა რაჭის, სვანეთისა და აფხაზეთის მთის ქანებს. აფხაზეთში დაეძებდა ვერცხლის წყლის საბადოებს. მათ შესახებ შესანიშნავად მოგვითხრობს თავის წიგნში „ექვსი თვე გამოქვაბულში“ („მერანი“, 1989). ალბათ არც ის იქნება ზედმეტი, აღინიშნოს, რომ გივი და გუგული გამოჩენილი მეცნიერ-გეოლოგისა და საზოგადო მოღვაწის, ალექსანდრე ჯანელიძის, დისმივილები იყვნენ.

აი, ბატონი გივის მონაყოლი, რაც ბატონმა გუგულიმ გვიამბო:

— აფხაზეთის გეოლოგიურ ექსპედიციაში ყოფნის დროს რიწის ტბიდან მოვდიოდი. გზაში ტბისკენ მიმავალი მაღალი თანამდებობის მქონე ნაცნობი ინჟინერი, ექსკავატორით, ბულდოზერითა და სხვა

ტექნიკით შეიარაღებული მოდიოდა. ვკითხე და მითხრა: რიწის ტბის გასაღრმავებლად მივდივართო.

— რიწის ტბას რა გაღრმავება სჭირდება-მეთქი? — გავიკვირვე. ამისსნა: ეს სტალინის მოთხოვნა ყოფილა და დაგვავალესო.

— ამას სტალინი როგორ მოითხოვდა-მეთქი? — კიდევ უფრო გავიკვირვე.

თურმე, სტალინი რიწის ტბის სიღრმე უკითხავს. რომ უთხრეს, რამდენიც იყო, უთქვამს, კარგი იქნებოდა, უფრო ღრმა ყოფილიყო.

მე ამ ინჟინერს ავუჩხენი, რომ რიწის ტბის ადგილი კირქვიანი ქანებია და, თუ მათ შეეხებით, შეიძლება წყალი სულაც დაიკარგოს-მეთქი. ამ საუბარს შედეგი გამოუღია და რიწის ტბის „გაღრმავების“ საქმე ამით დამთავრებულა.

ბატონ კანდიდ ჩარკვიანს, თუ ის სიმართლეს გაღმოგვცემს, ვაჟა-ფშაველას იგივე „გაღრმავების“ ეპიდემია შეყრია!

მაგრამ, ძალიან ვეჭვობ, კანდიდ ჩარკვიანი მთლიან სიმართლეს გაღმოგვცემდეს!

მეორე მხრივ, არაერთი და ბევრად უფრო სანდო ცნობა არსებობს, საიდანაც ნათლად და გარკვევით ჩანს, ი. სტალინი თავიდანვე და ყოველ თვის რა დიდად აფასებდა ვაჟა-ფშაველას პოეზიასა და, რაც ამჯერად მთავარია, მის დამსახურებას ქართული სალიტერატურო ენის ჩამოყალიბებაში. ი. სტალინის მიერ ვაჟას პოეზიის ცოდნასა და მისადმი სიყვარულს, რასაც კ. ჩარკვიანიც გვიდასტურებს, თავის მოგონებებში აღნიშნავს პეტრე კაპანაძე. არსებობს მაღაქია ტოროშელიძესთან ი. სტალინის საუბრის ჩანაწერი მოსკოვში საკავშირო მწერალთა პირველ ყრილობაზე ქართულ მწერლობაზე გასაკეთებელი მოხსენების შესახებ, სადაც ვკითხულობთ:

„ი. ბ. სტალინისა და მ. ტოროშელიძის დიალოგი

ი. სტალინი — როგორც გადმომცეს, თქვენ ყოფილ ხართ საქართველოში მწერალთა კავშირის თავმჯდომარე.

— დიახ, მე გახლავართ. — უპასუხა მ. ტოროშელიძემ.

— მაშ, თქვენ გამოხვალთ მოხსენებით მწერალთა საკავშირო ყრილობაზე ქართული ლიტერატურის შესახებ?

— დიახ, მე მაქვს დავაღოებული.

— აბა, მოკლედ მითხარით, როგორ აპირებთ მოხსენების ავებას, რას მოახსენებთ მწერალთა ამ დიდ ყრილობას ქართული მწერლობის შესახებ?

— მე ვიტყვი, ამხანაგო სტალინ, რომ ოქტომბრის დიდმა რევო-

ლუციამ გაათავისუფლა რუსეთის ყოფილი იმპერიის ტერიტორიაზე მოსახლე ერები. ამ ერებმა მოიპოვეს კულტურული შემოქმედების საშუალება და, მათ შორის, ეს საშუალება მოიპოვა ქართველმა ხალხმაც, რომელიც აი, თითქმის 15 წელიწადია, საბჭოთა წყობილების პირობებში ქმნის ახალ ეროვნულ ლიტერატურას და მე ვუამბობ ყრილობას, რას წერებ ჩვენში საუკეთესო მწერლები: მ. ჯავახიშვილი, გ. ტაბიძე, პ. აშვილი, ს. შანშიაშვილი, ნ. ლორთქიფანიძე, გ. ლეონიძე, ტ. ტაბიძე, ალ. მაშაველი, კ. ლორთქიფანიძე, ს. ჩიქოვანი და სხვები.

— როგორ, თქვენ ეტყვით ყრილობას, რომ ქართველმა ხალხმა მხოლოდ ოქტომბრის რევოლუციის შემდეგ მოიპოვა კულტურული შემოქმედების საშუალება და მანამდე არაფერი შეუქმნია კულტურის დარგში? ამას ეტყვით ქვეყნიერებას ყრილობის ტრიბუნიდან? გადაუკით ქართველ მწერლებს ჩემი სახელით, რომ, თუ რაიმე მისი მსგავსის შექმნა არ შეუძლიათ, რაც ჩვენს წინაპრებს შეუქმნიათ კულტურისა და მწერლობის დარგში, მათი მექვიდროების გამოჩენის უნარი მაინც იქონიონ. მოხსენება უნდა დაიწყოთ შოთა რუსთაველიდან მაინც, თუ უფრო ადრინდელი პერიოდიდან არა. დაწვრილებით უნდა იღოაპარაკოთ რუსთაველზე.

დაუ, გაიგოს ყველამ ჩვენს ქვეყანაშიაც და მისი საზღვრების გარეთაც, როგორი ღირებულების კულტურული განძი შეუქმნია ქართველ ხალხს თქომბის რევოლუციამდე შვიდი საუკუნით ადრე. შემდეგ გადმოხვალთ უფრო ახლობელ საუკუნეზე და დაახასიათეთ სულხან-საბა ორბელიანის, დ. გურამიშვილის, ბესიკ გაბაშვილის შემოქმედებას. განსაკუთრებით ვრცლად უნდა გაარჩიოთ ნ. ბარათაშვილის პოეზია. აი, როგორი დიდი პოეტი წარმოუშვია საქართველოს მე-19 საუკუნის დამდეგს, როცა ივი თვითმშევრობელობის დამონებულ კოლონიად იყო ქცეული. მე-19 საუკუნის მეორე ნახევარზე რომ გადახვალთ, დაწვრილებით უნდა იღოაპარაკოთ ი. ჭავჭავაძის შესახებ. საქართველოში თურმე რაღაცა უაზრო და ყალბი თვალსაზრისი გაუვრცელებიათ, თურმე ილია ჭავჭავაძე თავადაზნაურობისა და ბურჟუაზიის იდეოლოგიის, ამ კლასების ინტერესების დამცველი ყოფილიყოს. ვის მოუვიდა თავში ასეთი სიყალბე, ასეთი მცდარი და უკუღმართი აზრი?! თურმე საქართველოში ვიღაცებს უპირისპირებებს ი. ჭავჭავაძეს. აქვს ვისმე მე-19 საუკუნის ქართველ მწერალთა შორის თუნდაც ისეთი ძლიერი სოციალური პროტესტი, როგორც მოცემულია ილიას შემოქმედებაში? მე ამის შესახებ რამოდენიმეჯერ გელაპარაკე

ქართველ ამხანაგებს, მაგრამ, როგორც ჩანს, აქედან დღემდე არავითარი დასკვნა არ გაუკეთებიათ. იმას ხომ არ ელოდებიან, თუ როდის გამოვცემთ დეკრეტს ამ საკითხზე? შეძლებ ა. წერეთელსაც თავისი უნდა მივუზღოთ, ვაჟა-ფშაველასაც. რად ლირს თუნდაც ამ ორი დიდი ეროვნული პოეტის მხურვალე მონაწილეობა 1905 წ. რევოლუციურ მოძრაობაში. ვაჟა-ფშაველას შესახებაც ბევრ გაუგებრობასა და დაბნეულობას აქვს ადგილი, პრიმიტიულ ადამიანად და მოაზროვნედ თვლიან. აი, თქვენ საშუალება გეძლევათ, გაფანტოთ გველა ეს გაუგებრობა. შეძლებ უნდა განიხილოთ გასული საუკუნის მწერლების ი. ევფოშვილის, ალ. ყაზბეგის, ე. ნინოშვილის, დ. კლდიაშვილის შემოქმედება და დასასრულს იტყვით, რომ ასეთი ხანგრძლივი და ძრიდარი ტრადიციების საფუძველზე თავისუფალი და აღორძინებული ქართველი ხალხი ახლაც ქმნის თანამედროვეობის შესაფერის ლიტერატურას და ბოლოს მიმოიხილავთ ქართველ საბჭოთა მწერლობის ყველაზე დამახასიათებელ ნაწარმოებებს.

მოხსენებას, რასაკვირველია, დაწერილს ჩამოიტანთ. მეწავითხავ მას და შეძლებ გაიტანთ ყრილობაზე, – უთქვამს ბოლოს სტალინს“.

აქმონათხრობი მე ალექსანდრე ბარამიძის, ბესარიონ ულენტისაგან და სხვებისაგანაც მომისმენია. ამჟამად ხელთა მაქვს რემინგტონის მანქანაზე გადაბეჭდილი ტექსტი, რომელიც გადმომცა ჩემმა თანაკურსელმა მეგობარმა და შესანიშნავმა პედაგოგმა მაყვალა (ნათელა) ბერუაშვილმა. მისთვის იგი ამ ორმოცი წლის წინათ ვიღაცას მიუცია, თუ ვის, არ ახსოვს. მე არ ვიცი, როდის, ვისგან და ვის მიერაა იგი ჩაწერილი, ან გამოქვეყნებულია თუ არა. სიმართლის შემცველი რომ არის, მ. ტოროშვილიძის მოხსენებიდან გარკვევით ჩანს. ვნახოთ, რა თქვა მან ყრილობის ტრიბუნიდან. მოხსენებაში ვაჟა-ფშაველაზე ცალკეა საუბარი. ვიმოწმებთ ნაწყვეტებს:

„ფრიად ორიგინალურ მოვლენას წარმოადგენს ქართულ ლიტერატურაში პოეტი ვაჟა-ფშაველა, ჩამომავლობით ფშაველი და მიუხედავად მიღებული განათლებისა – მთელი თავისი ცხოვრებით. პოეტის არაჩვეულებრივი შემოქმედება მომწიფდა 80-იანი წლების რეაქციის პირობებში, როდესაც ცარიზმი განსაკუთრებული ძალით ავიწროებდა «ინოროდცულ» განაპირა კუთხებს, სდევნიდა ენას, ცნებებს. (...) მისთვის დასავლეთ-ევროპის ლიტერატურის გზაც ხსნილი იყო. მაგრამ ყველაზე მეტად მასზე გავლენას ახდენდა გარემო ვითარება, – მთივლოს ცხოვრება, საღაც თითქმის ხელუხლებლად

იყო დარჩენილი ძველი გვაროვნული ეოფა-ცხოვრება თავისი პატ-რიარქალური ურთიერთობით.

პოეტს თანაბრად ძელსცარიზმიცადა ბურუუაზიული ეკონომიკაც, როგორც საქართველოს დამმოწებელი და კაპიტალიზმი – როგორც ძველი საფუძღლების დამანგრეველი და ნაციონალური საზღვრების მომშლელი.

(...) ვაჟა-ფშაველა თავისმასალასიღებს ცოცხალი სინამდვილიდან და ამ მხრივ დიდი უპირატესობა აქვს ძველი ცხოვრების მეხოტბეებთან – ა. წერეთელთან და ო. ჭავჭავაძესთანაც შედარებით.

(...) ამ მომენტების თავისებურება ვაჟა-ფშაველას კი არ აახლოვებს წინამორბედ პოეტებთან, რომელთა გავლენას ის თითქოს განიცდის, არამედ განასხვავებს მათგან და მას სრულიად ორიგ - ინალურ მწერლად ხდის.

(...) მისი ლირიკული ლექსების რამდენიმე ტომი ააშე-არავებს პოეტში ხალხური პოეზიის გავლენას, რომელსაც იგი მონურად კი არ პასავს, არამედ ოსტატურად იყენებს და ამშვენებს. იგი ზოგჯერ ძალუმად განიცდის ამ გავლენას და შემ-თაქვს ლიტერატურისათვის უცხო გამოთქმანი და ადგილობრივი დიალექტების ლექსიკური მასალა, რისთვისაც მას აკაკი წერეთელმა საჯაროდ უსაყვედურა. მავრამ ამ დეფექტს ის ხავსებით სძლევს თავის პროზაში, რომელიც წარმოადგენს მხატვრული ხტილის, ფორმისა და შინაარსის ჰარმონიული შეხამების ნიმუშს⁶.

მთლიანი მოხსენების ზოგიერთ შეფასებას შეიძლება არ და-ეთანხმო, მაგრამ მასში ვაჟას დამამცირებელ გამოთქმას ვერაფერს ნახავთ. პირიქით, ყველგან აღმატებულადაა იგი წარმოადგენილი.

ბარემ აქ ერთს კიდევ დავუმატებ. რამდენადაც მახსოვს, არსებობს ცნობილი მწერლისა და უურნალისტის პეტრე პავლენკოს მონათხრობი, რომ ომის დროს იგი ო. სტალინსა და ლ. ბერიას თან ახლდა მოსკოვთან ფრონტის ახლოს, სადაც ო. სტალინმა ლ. ბერიას ქართულად უთხ-რა ვაჟა-ფშაველას სტრიქონი ლექსიდან „ფშაველი ჯარისკაცის წე-რილი“. რუსეთის ჯარში მოსამსახურე ფშაველი ჯარისკაცი დედას ეკითხება: „ნეტა თუ დაგვითასდება ქართველთა შეიღებს ამავი“. პ. პავლენკოს, რომელსაც 1900 წლიდან საქართველოში უცხოვრია და 20-იანი წლებიდან თბილისის გაზეთებში უმუშავია, მაშინ ეს ლექსი რუსული ასოებით ჩაუწერია და შემდეგ მისი რაობა ლ. ბერიასთან

⁶ მაღაქია ტ. ო. რ. შ. ე. ლ. ი. ბ. ე. ქართული ლიტერატურა, მოხსენება საბჭოთა მწერლების პირველ საკავშირო ყრილობაზე 1934 წლის 20 აგვისტოს, თბ., 1934, გვ. 51-53.

დაუზუსტებია. ახლახან გივი ლომიძემ მითხრა, რომ პ. პავლენკოს ეს მოგონება მისთვის მოსკოვის მივლინებიდან დაბრუნებულ ნოდარ ალანიას უამბია.

ახლა ყველაზე მთავარი. მოვუსმინოთ, დასმულ საკითხზე რას გვიამბობს აკაკი ვასაძე 1946 წლის ოქტომბერში სოჭში ი. სტალინთან შეხვედრის შესახებ: ერთ დღეს, როდესაც მან ლექსი „ვეფხისა და მოყმის სიმღერა“ წაიკითხა, წერს: „აი, გავასრულელექსი და ყველაზე როდროულად ტაში შემოჰკრა, სტალინმა კი თქვა:

— მარგალიტა!

როდესაც მადლობის გადასახდელად მივუახლოვდი, მითხრა: «შენც მარგალიტი ხარ» და მხარზე ხელი დამკრა.

— აი, ვაჟა-ფშაველას ძირები სად არის! აი, საიდან წამოვიდა ვაჟა! — თქვა სტალინმა⁷:

მეორე ადგილას ვკითხულობთ: „აქედან ანაზდეულად ქართულ სალიტერატურო ენაზე და მისი განვითარების პერსპექტივებზე ჩამოვარდა საუბარო. ყველა ენა, — თქვა მან (ი. სტალინმა — ბ. დ.), — ეკონომიის გზით ვითარდება, რომ უფრო სადად, უფრო ნაკლები სიტყვებით გამოიხატოს აზრი. ენის განვითარების საკითხი სახელმწიფო ფორმის საკითხია და, ამიტომაც, მისი დადგენის საქმეში სახელმწიფო უნდა ჩაერთოს (...) მე მესმის, რომ ქართულში დიალექტი ძირითადია და მის საფუძველზე უნდა შეიქმნას სალიტერატურო ენა, მაგრამ ისიც არ უნდა ვაქციოთ ფეტიშად. დასავლეთ საქართველოს ამა თუ იმ მხარისათვის დამახასიათებელი მეტყველებიდან ბევრი კარგი ფორმა უნდა გამოვიყენოთ. კურულიდანაც, მეგრულიდანაც, იმერეთიდანაც და ასე უფრო გავაძრავალფეროვნოთ, გავაძრიდოროთ და ეკონომიურადაც უფრო დავხვეწოთ სალიტერატურო ქართული. პო, სულ დამავიწყდა მთიულური, ხევ სურული, ფშავ ური კილოკავებიც აუცილებელიდაგამოსაყენებელია. მერედა, ამკილოკავების, ამ კუთხური მეტყველების ფორმების გამოყენებით რამდენად გაიზრდება ლექსიკაც! ყველა ეს ქართული ენაა და რა კუთხურიც არ უნდა იყოს სიტყვა, თუ იგი სალიტერატურო მეტყველებას სჭირდება, გამოყენებული უნდა იქნეს. ენის საკითხი უაღრესად რთულია და ამ საკითხში, ვიმეორებ, თვით სახელმწიფო აპარატი ს ჩარევაა საჭირო. მაგალითად, სახელმწიფო აპარატი რომ არ ჩარეულიყო უკრაინული ენის საკითხში 1918-19 წლებში, რა გამოვიდოდა? ზოგი მწერალი და მოღვაწე იძახდა, გალიციური ენა უნდა ედოს საფუძვლად

⁷ აკაკი ვასაძე, მოგონებები (წიგნი მეორე), დამხმარე სახელმძღვანელო, თბ., 2010, გვ. 375.

უკრაინულ სალიტერატურო ენასთ, ზოგი დონბასის ენისაკენ უქარებოდა, ზოგი — ძველი სლავიანურისაკენ. ჩვენ კი ასე დავადგინეთ, უკრაინულ სალიტერატურო ენას კიუვის ენა უნდა დაედოს საფუძვლად და სამივე დიალექტის ხარჯზე გამდიღრების გზით უნდა განვითარდეს და ჩამოყალიბდესთ. საქართველოში კიდევ უფრო მრავალფეროვნებაა დიალექტების მხრივ. აქ მეტი სირთულეა და მეტი შესაძლებლობებიც. საჭიროა მისი, რაც შეიძლება სწრაფად საბოლოოდ დადგენა და განვითარება, როგორც მთლიანად საქართველოს ენისა. ამ საქმეში კი მეტი, რაც შეიძლება მეტი, სისადავება საჭირო, რომ სალიტერატურო ენა კახელისათვისაც, ქართლელისათვისაც, აფხაზისთვისაც, გურულისთვისაც, იმერლისთვისაც, მეგრელისთვისაც, სვანებისთვისაც და საერთოდ, ყველა კუთხის წარმომადგენლისთვის ადვილად ასათვისებელი და გასავები იყოს. ამას არა მარტო ლიტერატურული ან მეცნიერული, არამედ სახელმწიფო მნიშვნელობაც აქვს და ამ საქმეში ახლა დადგებითი მარცვალი შემდგომდიდ საჭირო ნაყოფს გამოიღებს და ასეთ დროს შემოეხიდება ქართველ კაცს, ისეთ დროს განამტკიცებს, რომ... “

აქ ციტატას ერთი წუთით მეც შევწყვეტ და ხმამალლა ვიკითხავ: ამ მსჯელობას რაიმე ზადი ახლავს?! ან უთვალავი სახელმწიფო საქმეებით სავსე საბჭოთა ქვეყნის მეთაური რომ ენის მოვლა-პატრონონობაზე, როგორც სახელმწიფო პოლიტიკის რანგის საქმეზე, ამდენს რომ ლაპარაკობს, შევადაროთ ჩვენი ეროვნული თვითმყოფალობის წინააღმდეგ კისერტებით მებრძოლ მიხეილ სააკაშვილსა და მის ყოფილ „რეფორმატორ“ მინისტრ ალექსანდრე (კახა) ლომაიას, რომლებმაც პრეზიდენტს დაქვემდებარებული ქართული ენის სახელმწიფო კომისია და არსებული ენის პალატა გააუქმეს! გავაგრძელოთ ი. სტალინის მსჯელობა, რომელიც უშუალოდ ჩვენს საკითხს ეხება:

(ენის — ბ. დ.) „ქარგი სისადავება აქ საჭირო და ლაკონიურობა. ამ მხრივ, თუ კი ი. ჭავჭავაძეს ღრმა პატივს ვცემ, მაგრამ აკაკი მაინც უფრო ნოვატორად მიმაჩნია საქართველოში ენის გახალხურების და განვითარების საქმეში. აკაკის კვალად, ვაჟაც დიდად დაეხმარა ქართულ სალიტერატურო ენას თავისი ხალხური მეტველების ფორმებით, ლექსიკითა და გრძნობათა და აზრთა სა-დად გამოთქმით“⁸.

⁸ იქვე, გვ. 381-383.

არის ამ ნაამბობში რამე საეჭვო და საჭოჭმანო?! მაშინ როდესაც კანდიდ ჩარკვიანის მონათხრობი ნიშანდობლივ კითხვებს იწვევს: ნუთუ საქართველოს პირველმა პირმა, რომელიც საკავშირო მთავრობასთან და, კერძოდ ი. სტალინთან, იმდენად ახლოს იმყოფებოდა, ვაჟაზე მისი შეხედულება მხოლოდ იმ საუბრისას გაიგო? ან ი. სტალინმა ამ გაგზავნილი ტომებით გაიცნო ვაჟა-ფშაველას შემოქმედება? თავიანთ მონათხრობში ვინ უნდა იყოს მართალი, აკაკი ვასაძე, რომელიც რაიმე წინასწარ დასახული მიზნის უქონლად გადმოგვცემს თავის ნანახსა და მოსმენილს, თუ კანდიდ ჩარკვიანი, რომელმაც ვაჟა-ფშაველასა და ქართველი ერის წინაშე დიდი უსამართლობა ჩაიდინა და მისგან თავის დაღწევას ცდილობს?

ახლა ნოდარ ალანიას დამოწმების თაობაზე.

მანამდე უნდა შევნიშნოთ: რ. თვარაძისა თუ მისი ინფორმატორის ცნობით, სტალინს ვაჟას დამამცირებელი სიტყვა „ქართული ენის განმარტებითი ლექსიკონის“ მიღებისას უთქვამს, კ. ჩარკვიანი კი ამას ვაჟას ტომების მიღებას უკავშირებს! რ. თვარაძემ ეს არ იცოდა? თუ ი. სტალინმა ორივეჯერ თქვა?

როცა „კალმასობაში“ ბატონი რევაზის მოგონება დაიბეჭდა, მინდოდა, ამის თაობაზე მასთან საუბარი, მაგრამ ვერ მოვახერხე: სენი, რომელმაც მას ბოლო მოულო, იმდენად გაუძლიერდა, რომ სამსახურში, ლიტერატურის ინსტიტუტში, იშვიათად მოდიოდა, ისიც მცირე დროით, მხოლოდ საბუთებზე ხელმოსაწერად, რამდენიმე თვეში კი გარდაიცვალა.

ვაჟას მიმართ ჩატარებულ იმდროინდელ მართლაც თავმოსაჭრელ ღონისძიებებზე ნოდარ ალანიასთან სხვადასხვა დროს სხვადასხვა ამბებთან დაკავშირებით მეც მისაუბრია. მაგალითად: პირველად მისგან მოვისმინე მწერალთა კავშირის სასახლის დარბაზის კედლიდან ვაჟას სურათის ჩამოხსნისა და გატანის ამბავი. ერთ-ერთ სხდომაზე როგორ აღიმაღლდა ხმა დიმიტრი ბენაშვილმა და მაშინ სხდომის თავმჯდომარე გიორგი ლეონიძე ამაზე რა უხერხულად და ორჭოფულად აძლევდა მას პასუხს. მაგრამ არასოდეს არ უთქვამს, რომ ამ საქმეში ი. სტალინს რაიმე ბრალი მიუძლოდა. ნოდარი, რევაზ თვარაძისაგან განსხვავებით, რეპრესირებული ოჯახიდან არ ყოფილა, ი. სტალინის მიმართ სიძულვილი არ ჰქონია, ყოველ შემთხვევაში ჩემთან, არასოდეს გამოუმჯდავნებია. პირიქით კი ყოფილა.

როცა ბატონი რევაზის აღნიშნული დამოწმება წავიკითხე, მე ამ საკითხზე საგანგებოდ ველაპარაკე ნოდარის მეუღლე ლალი გოგოხიას,

თანაკლასელ და თანაკურსელ გალაქტიონ (კუსა) სიხარულიძეს, თანაკურსელ და ახლო მეგობარ გივი ლომიძეს, უახლოეს მეგობარ ოთარ (რიჩა) გაგუას, მაგრამ ვერც ერთმა ვერ დამიდასტურა, მისგან ამის მსგავსი რამე გაეგონოს!

მაგრამ, რადგან კვამლი უცეცხლოდ არ ჩნდება, რა არის ეს „ცეცხლი“? აშკარაა, ვაჟა-ფაველას მიერ სოსო ჯუღაშვილის კიბეზე დაგორების შესახებ ლეგენდას საფუძველი დაუდო გაზეთ „დროებაში“ მომხდარმა ერთმა ამბავმა.

XIX საუკუნის მეორე ნახევრის რუსეთში გამოჩნდა კატორლიდან გამოქცეული ავანტურისტი, ვინმე პენზელი მდაბიო ნიკოლოზ ივანეს ძე აშინოვი, რომელსაც თავი თავისუფალი კაზახების ატამანად მოჰქონდა. თავისი აფერისტული საქმიანობით პეტერბურგში განცხოობით ცხოვრობდა, ყველგან ძლევამოსილ გმირად მიაჩნდათ და არისტოკრატთა ოჯახები ფართოდ უღებდნენ კარს. თუმცა ზოგი ხედავდა, იგი აქეთ-იქით რა საძალად დაძრწოდა, მაგრამ მის წინააღმდეგ ხმის ამოღებას ვერავინ ბედავდა.

აი, ეს კაცი 80-იან წლების თბილისში ჩამოვიდა და თავისი ოინები დაიწყო. გაზეთმა „დროებაში“ დაბეჭდა, რომ „გამოჩენილა ერთი ვილაც ხელაღებული აშინოვი (...) და მთელი ოდისეა დაუწყიაო“.

აკაკი წერეთელი რუსულად დაწერილ მოგონებაში მოვაითხობს: „ერთ მშვენიერ დილას რედაქციის კანტორაში ვისხედით: თითონ რედაქტორი განსვენებული სერვე მესხი, მე და ჯერ კიდევ ახალგაზრდა, ასპარეზზე მაშინ ახლად გამოსული ჩვენი ცნობილი მწერალი ფაჟა-ფშაველა, როგორც მთელს, მას ჩოხა ეცვა და ხანჯალი ეკიდა.

უცებ შემოვარდა ვილაც კაცი, ჩასხმული, ქერა, მაცეცა თვალებიანი, ყაზახურად გამოწყობილი და გააფთრებულად დაიწყო:

— «დროების» რედაქცია აქ არის? რომელია რედაქტორი? — დაიყვირა მან.

— რედაქტორი მე ვარ! რა გნებავთ? — უპასუხებს ოდნავ აღელვებული რედაქტორი.

— როგორ თუ რა მნებავს?! თქვენ მოათავსეთ სტატია... გალანძეთ აშინოვი, აშინოვი კი მე ვარ!.. მე!.. თქვენ გნებავთ, ხელი შემიშალოთ?! თქვენ როგორც «ტუშემეცხ», ალბათ, არ მოგწონთ ჩვენი კონფიდენციალური პოლიტიკა?

— ესე იგი, რაღაც ბოდვა...

— ბოდვა? თქვენ ამას ბოდვას უწოდებთ, როდესაც სხვა თქვენზე

უფრო კომპეტენტურნი გვიჯერიან და ხელს გვიწყობენ? პმ! .. განა თქვენ დედაქალაქის გაზეთებს არ კითხულობთ? მე თქვენ მოგაწვდით *Московские ведомости*—ს.

— თუ შეიძლებოდეს, ნუ ყვირით. აქ ბაზარი კი არა, რედაქცია! მიბრძანდით აქედან.

— რას ნიშნავს მივბრძანდე? როგორ თუ მივბრძანდე! მე აქედან ცოცხალი არ გავალ, სანამ ჩემთანვე თქვენ მიერ დაბეჭდილის უარყოფას არ დასწერთ... — დაიყვირა მან და ხანჯალზე ხელი გაივლო.

რედაქტორი გაფითრდა, მე კი შევშინდი. მაგრამ ახალგაზრდა მთიელი ვაჟა-ფშაველა, რომელიც ცნობისმოყვარეობით უყურებდა მთელ ამ სცენას, უცებ წამოხტა, სტაცია აშინოვს კისერში ხელი, მაღლა აიტაცა და დაუყვირა: ვის აშინებ შენ ხანჯალითა, პა? იცოდე, შე უბადრუკო, ვიდრე ხანჯალს ამოიღებდე, თავს ათვერ წაგაცლი!

ჩვენი «გმირი», რომელიც თავისი ხანჯალის წევრზე თეირანის მორთმევას გვპირდებოდა, ამნაირ რამეს არ მოელოდა. მას უცბად მიავიწვდა თავისი ხანჯალი, კილო იცვალა და მთავრობასთან ჩივილით დაიწყო მუქარა.

მაგრამ ახალგაზრდა მთიელმა დიდხანს ლაპარაკი არ დააცალა: პკრა პანდური და კიბეზე დააგორა⁹.

როგორც ვხედავთ, აშინოვისა და ი. სტალინის ამბები ერთნაირია. ჩემთვის წარმოუდგენელია, აკაკისა და ვაჟას ჩინებულ მცოდნე ნოდარ ალანიას აკაკის დამოწმებული მოგონება არ სცოდნოდა.

ახალგაზრდა ი. სტალინთანაც იგივე რომ მომზდარიყო, რაც აშინოვთან, ვიმეორებთ, ამის შესახებ არავითარი სანდო ცნობა არ მოიპოვება. პირიქით, ი. სტალინის თანასემინარიელი პეტრე კაპანაძე იგონებს, რა ძალისძლით გაუშვეს იგი „ივერიის“ რედაქციაში ილია ჭავჭავაძესთან და რა კრძალვით იყო ის გამსჭვალული მისთვისაც სასიქაღულო მწერლისა და მოღვაწისადმი: „მუდამ საღი ატმოსფეროს მაძიებელ სოსოს თბილისის პოპულარულ გამომცემლობებთან ცოცხალი კავშირი პქონდა. ფხიზლად თვალყურს ადევნებდა საზოგადოებრივი ცხოვრების მაჯისცემას, პუბლიცისტიკას, სიტყვაკაზმულ მწერლობას, ბელეტრისტიკასა და ისტორიას გატაცებით კითხულობდა. სემინარიის მეორე კლასში იყო, რომ თითონაც სცადა წერა. პირველი მისი ნაწარმოები ლექსები იყო. რამდენიმე ლექსი ამხანაგთა მცირე წრეს წაუკითხა.

⁹ ქართველი მწერლები ვაჟა-ფშაველას შესახებ, შეადგინეს: იუზა ე ვ გ ე ნ ი ძ ე მ, ლადო მ ი ნ ა შ ვ ი ლ მ ა, ჯუმბერ ჭ უ მ ბ უ რ ი ძ ე მ, თბ., 2003, გვ. 400-401.

ამხანაგებს ძალიან მოეწონათ სოსოს ლექსები, ზოვი პირდაპირ აღტაცებული იყო.

ამხანაგებმა ურჩიეს ლექსი წაეღო გაზეთში დასაბეჭდად. იმ ხანად გაზეთი «ივერია» გამოიდიოდა, რომელსაც ილია ჭავჭავაძე რედაქტორობდა.

სოსო დიდ უარზე იდგა, მორც ხობდა, ეკრძალებოდა, მაგრამ ბოლოს ამხანაგთა დაუინებითი მოთხოვნით, როგორც იყო, რედაქციისაკენ გაემართა. რედაქციაში «მეველე» (დავით მიქელაძე) და ხვედროვა და სოსოს განცხადებაზე — მინდა რედაქტორი ილია ჭავჭავაძე ვნახოო, ეპასუხნა, ამჟამად ილია აქ არ არის და ხვალ შეგიძლია ნახვაო.

სოსოს აღარ უნდოდა მეორედ წასკლა რედაქციაში. ამხანაგები აღარ მოეშვნენ. მეორე დღეს სოსომ «მეველის» მითითებით მოკრძალებით შეაღო ილიას კაბინეტის კარი და თავდაბალი სალამი მისცა დიდ მწერალის. როცა ილია შეეკითხა — ახალგაზრდავ, რა გინდაო, — სოსომ მოკრძალებით გაუწოდა თავისი დაწერილი ლექსი.

სოსო გულისძვერით მოელოდა ილიას მსჯავრს. გაათავა ილიამ ლექსის წაკითხვა, ცოტა შეისვენა, რამდენჯერმე შეხედა მის ავტორს, წამოდგა, მხარზე ხელი დაადო სოსოს და უთხრა — «კარგი ლექსია, ახალგაზრდავ, იმეცადინე, სწერე და კარგი მწერალი იქნებიო».

სოსო გახარებული და კმაყოფილი დაბრუნდა. არანაკლებ სასიამოვნოდ დაგვრჩა ეს გარემოება მის მეგობრებსაც. ჩქარა მისი ლექსი «ივერიაში» დაიბეჭდა და ჩვენს სიხარულს დასასრული არ ჰქონდა. მასთვის, ისნომერი გაზითისა მოწაფეთა ხელიდან ხელში გადადიოდა...¹⁰

უცნაურზე უცნაურია, ამ მონათხრობში რაიმე ეჭვი შეიტანო, როგორც ამას ალექსანდრე დაუშვილი სჩადის: „ჩვენ შორსა ვართ იმ აზრისაგან, რომ ზემოთ მოტანილი მოგონება, განსაკუთრებით ილია ჭავჭავაძესთან შეხვედრის ეპიზოდი, აბსოლუტური ჭეშმარიტებაა, თუმცა მასში არც დაუჯერებელი ამბავი არ არის გადმოცემული“.¹¹

დასკვნის სახით დაბეჯითებით შემიძლია ვთქვა: ი. სტალინის შესახებ აღნიშნული ლეგენდა გაუგებრობის ნიადაგზეა შექმნილი, ყოველ შემთხვევაში, ნოდარ ალანიასთან მას არავითარი კავშირი არ აქვს!

¹⁰ პ. კაპანაძე, ბელადის ბაქშობა და ყრმობა (მოგონება), თბ., 1945, გვ. 54-55.

¹¹ ალექსანდრე და უშვილი, სოსო ჯულაშვილის ამბავი, წიგნი პირველი, სოსელო, თბ., 2000, გვ. 122.